



JABATAN PERKHIDMATAN VETERINAR

LAPORAN PEMANTAUAN MEDIA

18 JANUARI 2024 (KHAMIS)

MEDIA	RUANGAN	MUKA SURAT	TARIKH
Utusan	Dalam Negeri	30	18 Jan

Anjing liar ancam keselamatan penduduk

PONTIAN: Gangguan anjing liar di kampung-kampung bagai tiada penyelesaian apabila Kampung Parit Dato' Onn dan Kampung Sungai Naga di Pulau Sebatang turut mengalami masalah sama.

Sebelum ini gangguan hanya berlaku di kawasan Kayu Ara Pasong dan Parit Sikom menyebabkan penduduk bimbang dan tidak selesa dengan kehadiran banyak anjing liar.

Ketua Kampung Mukim Api-Api, Zakaria Sanusi mendakwa, kumpulan anjing itu digunakan bagi menjaga kebun seperti pisang, sayur, nenas, kelapa sawit daripada gangguan seperti monyet.

Namun, setelah tidak digunakannya untuk menjaga kebun,

anjing-anjing itu dibiarkan oleh pengusaha kebun menyebabkan binatang tersebut berkeliaran dan mengganggu penduduk setempat.

Ekoran tidak dijaga dan diberi makanan, kumpulan anjing itu menjadikan ayam dan kucing yang dipelihara oleh penduduk kampung sebagai sasaran.

"Penduduk banyak mengadu ayam dan kucing mereka hilang dipercayai telah dimakan oleh anjing-anjing tersebut terutama pada waktu malam," katanya ke pada *Utusan Malaysia*.

Zakaria berkata, pada awalnya anjing-anjing yang ada hanya antara 10 hingga 20 ekor, namun jumlahnya kini lebih 50 ekor.

"Keadaan ini yang membim-

bankan kami kerana bilangannya semakin bertambah dan menjadikan halaman rumah penduduk sebagai tempat 'tidur' bersama anak-anaknya yang baru lahir," katanya.

Kumpulan anjing itu juga akan menyelongkar sisa-sisa makanan dan menyebabkan penduduk bimbang dan khuatir mengenai keselamatan keluarga masing-masing.

"Setakat ini belum ada kejadian tidak diingini, tetapi ibu bapa yang menghantar anak-anak ke sekolah pada waktu pagi kerap kali dikejar oleh anjing-anjing tersebut," katanya sambil meminta supaya tindakan segera diambil oleh pihak pihak berkenaan seperti Jabatan Veteriner dan Majlis Perbandaran Pontian (MPPn).

Rabies Alert in Kuching, Bintulu

MEDIA	RUANGAN	MUKA SURAT	TARIKH
The Sun	National	5	18 Jan

Rabies alert in Kuching, Bintulu

KUCHING: Bintulu and Kuching have been declared rabies-infected areas, said Sarawak Food Industry, Commodity and Regional Development Minister Datuk Seri Dr Stephen Rundi Utom.

He added that 12 dogs tested positive, eight of which were in Kuching, one each in Padawan and Bau, and two in Bintulu.

"All the dogs were free-roaming and unvaccinated strays. I would like to remind the public to take extra precautions and go to the clinic if bitten by an animal," he said.

On Tuesday, Stephen said he had also signed an anti-rabies vaccination order under Section 40 (1) Veterinary Public Health Ordinance 1999, which requires all dogs in the state to be subjected to anti-rabies vaccination and annual boosters, adding that dog owners must be responsible for ensuring their pets are given the anti-rabies vaccine.

"Any owner or person in charge of a dog who fails to comply shall be liable to a fine of up to RM2,500. Dogs that are already exposed to rabies and do not have proper evidence of vaccination will be put to sleep," he said.

"The public can get their free dog anti-rabies vaccination at any government veterinary offices or during mass vaccination programmes, which will be announced from time to time on the official Sarawak DVS Facebook page. This year, we target to vaccinate up to 50,000 dogs."

Sarawak recorded 16 deaths last year from 18 human rabies cases. The total cases since July 2017 stands at 73, with 66 deaths. – Bernama

Terengganu Sasar Sifar Jangkitan Hawar Berdarah, FMD

MEDIA	RUANGAN	MUKA SURAT	TARIKH
BH Online	Wilayah	Online	18 Jan



Pegawai dan anggota JPV sedang melakukan suntikan vaksin ternakan lembu di Jerangau, Dungun.

- Foto NSTP/Baharom Bakar

KUALA TERENGGANU: Pemilik digesa membawa ternakan mereka untuk mendapat suntikan vaksin selaras usaha kerajaan negeri memastikan Terengganu bebas ancaman hawar berdarah dan penyakit kuku dan mulut.

Pengerusi Jawatankuasa Pertanian, Industri Asas Tani, Keterjaminan Makanan dan Komoditi negeri, Dr Azman Ibrahim, berkata Jabatan Perkhidmatan Veterinar (JPV) negeri menyediakan perkhidmatan vaksin ternakan secara percuma.

"Kerajaan negeri menyasarkan sifar kes penyakit hawar berdarah (HS) dan penyakit kuku dan mulut (FMD) di negeri ini.

"JPV negeri sedang berusaha melakukan suntikan ke atas ternakan di seluruh negeri bertujuan mencapai sasaran kerajaan," katanya.

Sementara itu, Pengarah JPV negeri, Dr Anun Man berkata 33,386 ternakan di seluruh negeri sudah menjalani suntikan vaksin FMD dan HS serta penyakit Lumpy Skin Disease (LSD) tahun lalu.

Daripada jumlah itu, katanya, sebanyak 16,004 ekor ternakan disuntik vaksin FMD dan 10,116 (HS) serta 7,226 LSD.

"Atas kesedaran penternak, kes penyakit FMD menurun kepada lima kes tahun lalu berbanding lapan kes pada 2022.

"Tiada kes ternakan menghidap penyakit HS dan LSD selama dua tahun berturut-turut iaitu tahun lalu dan tahun 2022," katanya.-[BHONLINE](#)

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR